



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-9-02-2-13266/24
Sarajevo, 29.03.2024.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Marijele Hašimbegović-dostavlja se;

VEZA: Vaš akt broj:01-04-5869-19/24 od 26.02.2024. godine;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje zastupnice Marijele Hašimbegović, pripremljen od strane nadležnih organizacionih jedinica Ministarstva unutrašnjih poslova Kantona Sarajevo.

S poštovanjem,

Prilog:

- Odgovor MUP-Uprava policije broj:02/2-88/24 od 25.03.2024.godine;
- Odgovor MUP-a broj:05-1-02-2-13373 od 25.03.2024. godine
- CD.

Dostaviti:

- ① Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02/2-2-~~88~~/24

Datum: 25.03.2024. godine

MINISTARSTVO UNUTRAŠNJIH POSLOVA
KANTONA SARAJEVO
- SEKRETARU -

PREDMET: Odgovor, dostavlja se.-

Veza: Vaš akt broj: 01-9-02-2-13266/24 od 18.03.2024. godine

Obavještavamo vas da Uprava policije MUP-a Kantona Sarajevo, nije nadležna za sačinjavanje izvještaja i realizaciju zaštitnih mjera zabrane upravljanja motornim vozilima, već je to nadležnost Uprave za građanska stanja i pravne poslove Ministarstva.

U skladu sa svojim ovlaštenjima policijski službenici u konkretnom slučaju, rade na uručanju poziva licima koja trebaju dostaviti vozačke dozvole na izvršenje zaštitne mjere zabrana upravljanja motornim vozilima, zatim rade na realizaciji zaključaka za oduzimanje vozačkih dozvola od lica koja nisu postupila po pozivima i u konkretnim slučajevima na izdavanjima prekršajnih naloga po članu 222. Zakona o osnovama bezbjednosti saobraćaja na putevima u BiH, licima koja ne donesu svoje vozačke dozvole nadležnom Sektoru za građanska stanja. Pored navedenog policijski službenici prilikom redovnih kontrola saobraćaja vrše provjere u elektronskoj bazi vozača i ukoliko se utvrdi da neko lice posjeduje vozačku dozvolu, a da istu nije dostavilo Sektoru za građanska stanja zbog realizacije zaštitne mjere, od tog lica se privremeno oduzima vozačka dozvola i dostavlja nadležnom Sektoru za građanska stanja, kod kojeg se vodi u evidenciji vozača.

Kada je u pitanju postupanje policijskih službenika Uprave policije prema vozačima motornih vozila tzv. „višestruki povratnici“, prema istima se prilikom kontrole u saobraćaju preduzimaju zakonom predviđene mjere i radnje, kao što su izdavanje prekršajnih naloga, podnošenje prekršajnih prijava i privremeno oduzimanje motornih vozila, kada je to neophodno radi zaštite javne sigurnosti.

S poštovanjem,





Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 05-1-02-2-13373
Sarajevo, 25.03.2024. godine

25-03-2024

01-9-02-2-13266

MINISTARSTVO UNUTRAŠNJIH POSLOVA
n/r Sekretara

PREDMET: Zastupničko pitanje Hašimbegović Marijele, odgovor, dostavlja se;

VEZA: Vaš akt broj 01-9-02-2-13266/24 od 18.03.2024. godine

U vezi Vašeg akta broj i datum gornji kojim je na nadležno postupanje dostavljeno zastupničko pitanje zastupnice Skupštine Kantona Sarajevo, Hašimbegović Marijele, dostavljamo tražene odgovore:

- Za kvalitetnije poboljšanje sigurnosti učesnika u saobraćaju, efikasniju kaznenu politiku koja će imati uticaj na prekršioce, Ministarstvo unutrašnjih poslova Kantona Sarajevo svakodnevno u saradnji sa ostalim organima radi na efikasnijem djelovanju pripadnika MUP KS u oblasti sigurnosti saobraćaja.

- Ministarstvo unutrašnjih poslova Kantona Sarajevo zatražilo je od Vlade KS da podrži inicijative za izmjene i dopune zakona koji regulišu problematiku sigurnosti u saobraćaju.

Slijedom toga, Vlada Kantona Sarajevo prihvatila je inicijative i predložene izmjene i dopune Zakona o osnovama bezbjednosti saobraćaja na putevima u Bosni i Hercegovini, kao i Zakona o prekršajima Federacije BiH, te ih uputila Ministarstvu komunikacija i prometa Bosne i Hercegovine i Federalnom ministarstvu pravde, na nadležno postupanje.

Predloženim izmjenama bi se ostvario bolji stepen izrečenih novčanih kazni, uzimajući u obzir činjenicu da je članom 27. Pravilnika o vozačkoj dozvoli propisano da, nakon što utvrdi da je isteklo vrijeme trajanja zabrane upravljanja motornim vozilom, nadležni organ poziva vozača radi vraćanja deponovane vozačke dozvole.

Predložene izmjene bi regulisale izmjenu postupka vraćanja vozačke dozvole, licima od kojih je vozačka dozvola oduzeta, u skladu sa članom 224. Zakona o osnovama sigurnosti saobraćaja na putevima u Bosni i Hercegovini (upravljanje motornim vozilom pod uticajem alkohola, droge itd.) što bi pored povećanja stepena naplate novčane kazne predstavljalo i specijalnu prevenciju, te kroz navedeno povećalo stepen sigurnosti u saobraćaju.

Traženim izmjenama Zakona o osnovama sigurnosti saobraćaja na putevima u Bosni i Hercegovini, bahata vožnja bi se normirala kao poseban oblik kriminaliteta, kako bi se spasili ljudski životi.

Također, traženo je da zakon predvidi trajno oduzimanje vozila kako bi policija bila mnogo efikasnija i na taj način se osiguralo bolje stanje sigurnosti u saobraćaju.

- Po pitanju povratnika za činjenje krivičnih djela, MUP KS zatražio je izmjene i dopune koje predviđaju i privremenu mjeru oduzimanja motornih vozila, postupak zadržavanja vozača, potom definisanje posebne kategorije vozila, kao što su električni romobili, uslovi pod kojim isti smiju učestvovati u saobraćaju, kao i način korištenja istih u saobraćaju, te usklađivanje kaznenih odredbi trenutnoj situaciji, kako bi se propisanom sankcijom ostvarila svrha kažnjavanja.
- Pored traženih izmjena i dopuna navedenih zakona, Ministarstvo unutrašnjih poslova Kantona Sarajevo je usvojilo mjeru za nabavku 100 dodatnih analitičkih kamera, kao i nabavku novih stacionarnih i mobilnih radara.
- U narednom periodu bit će postavljeno 9 novih radara, kako bi sve saobraćajnice u Kantonu Sarajevu bile adekvatno pokriveno.
- Također, u budžetu su predviđena sredstva za proširenje tzv. SPARTA sistema na 20 novih lokacija tj. sistema kamera koje služe za provjeru i akviziciju registarskih tablica.
- S ciljem povećanja sigurnosti, MUP KS saraduje sa Ministarstvom saobraćaja KS na projektu adaptivnog upravljanja saobraćajem koji podrazumijevaju stalni nadzor svih 165 raskrsnica u Sarajevu.
- Nakon prelaska u novu zgradu MUP KS, u ulici Kolodvorska, planirana je uspostava modernog i naprednog operativnog centra koji će doprinijeti efikasnijem i kvalitetnijem radu.
- MUP KS konstantno održava sastanke sa višim nivoima vlasti (FMUP i FUP) kako bi zajednički uspostavili jaču saradnju koja predstavlja važnu kariku u osiguranju stabilnog sigurnosnog sistema koji je spreman da se suprostavi svim oblicima kriminaliteta u Kantonu Sarajevo, Federaciji Bosne i Hercegovine i u Bosni i Hercegovini.
- Na inicijativu Ministarstva unutrašnjih poslova Kantona Sarajevo, Vlada KS je donijela Odluku o davanju saglasnosti Ministarstvu-Upravi policije da provede postupak raspisivanja Javnog konkursa za zapošljavanje policijskih službenika u činu „policajac“, za 200 izvršilaca, čime nastojimo ojačati policiju i osigurati još bolje sigurnosno okruženje na naše građane.

Na temelju navedenog, Ministarstvo unutrašnjih poslova Kantona Sarajevo neprekidno poduzima mjere i radnje iz svoje nadležnosti, te radi na postavljanju čvrstih zakonskih temelja za jačanje sigurnosti, kao i na jačanju i kapacitiranju policije materijalno-tehničkim sredstvima, novom opremom kao i naoružanjem, a sve u cilju kako bi stepen sigurnosti građana bio podignut na najviši nivo.

Navedene odgovore, dostavljamo Vam radi objedinjavanja završnog teksta zajedno sa odgovorima Uprave policije.

Napominjemo da se gore prethodno navedeno odnosi na aktivnosti iz nadležnosti Uprave policije, te ukoliko isti dostave slične odgovore, molimo Vas da se obrati pažnja kako se ne bi ponavljale iste činjenice prilikom objedinjavanja odgovora na tražena pitanja.

S poštovanjem,



dípl. pravnik Senada Hadžimehmedagić

Dostavljeno:

1. Naslovu;
2. r/r.



Adresa: Sarajevo, La Benevolencije br.16

Tel: + 387(0)33 286-769, 286-768

Fax: + 387(0)33 611-676

Web: <http://mup.ks.gov.ba>, Email: upravagradjanskastanja@mup.ks.gov.ba